



Adresa: **Ul. H. Čemerlića 39a**
71000 Sarajevo
<http://www.voda.ba>

tel. +387 33 726-444; 726-400
fax. +387 33 726-423
e – mail: info@voda.ba

Broj: **UP-1/21-3-40-168-4/22**
Datum: **20.04.2022. godine**

«Agencija za vodno područje rijeke Save» Sarajevo rješavajući po zahtjevu pravnog lica „BUCOMERC“ d.o.o. Kiseljak za donošenje rješenja o vodnoj dozvoli za ispuštanje oborinskih onečišćenih voda i tehnoloških otpadnih voda u prirodni recipijent sa lokacije benzinske stanice sa samouslužnom autopraonicom „BUCOMERC“ d.o.o. Kiseljak – P.J. Zovik, na osnovu člana 109. stav 1. Zakona o vodama («Službene novine Federacije BiH», broj 70/06) i člana 200. stav 1. Zakona o upravnom postupku («Službene novine Federacije BiH», broj 2/98 i 49/99), donosi

RJEŠENJE

o vodnoj dozvoli

1. Pravnom licu „BUCOMERC“ d.o.o. Kiseljak daje se vodna dozvola za ispuštanje oborinskih onečišćenih voda i tehnoloških otpadnih voda u prirodni recipijent sa lokacije benzinske stanice sa samouslužnom autopraonicom „BUCOMERC“ d.o.o. Kiseljak - Poslovna jedinica Zovik, izgrađene na zemljištu označenom kao k.č. broj: 381/3 K.O Zovik, općina Hadžići.
 2. Ova vodna dozvola ne oslobađa podnosioca zahtjeva obaveze pribavljanja saglasnosti i dozvola od strane drugih nadležnih organa, a sve u skladu sa važećim zakonskim propisima, uredbama i dr.
 3. Vodna dozvola se daje na osnovu činjeničnog stanja utvrđenog pregledom dostavljene projektne i druge dokumentacije, izvršenog uviđaja na objektu i pod slijedećim uslovima:
 - 3.1. Da se upotreba i korištenje predmetnog objekta vrši u skladu sa urađenom investiciono tehničkom dokumentacijom, koja je služila kao podloga za davanje ove vodne dozvole.
 - 3.2. Skladištenje nafte i naftnih derivata vršiti u dvoplašnim čeličnim podzemnim rezervoarima ukupne zapremine $V=160 \text{ m}^3$ sa pripadajućom armaturom za rukovanje, praćenje i sigurnost rada.
 - 3.3. Skladištenje i pretakanje nafte i naftnih derivata kao i ispitivanje ispravnosti i propusnosti rezervoara za skladištenje goriva vršiti u skladu sa Zakonom o naftnim derivatima u Federaciji Bosne i Hercegovine (Službene novine Federacije BiH br. 52/14) i propisima iz ove oblasti, a na način da se spriječi dospijevanje nafte i naftnih derivata u podzemne i površinske vode.
 - 3.4. Korisnik poslovnog objekta za sve vrijeme trajanja ove vodne dozvole, mora obezbijediti da se oborinske onečišćene vode sa lokacije predmetne benzinske stanice i tehnološke otpadne vode iz samouslužne autopraonice nesmetano sakupljaju i odvede do ugrađenih separatora ulja i naftnih derivata, a zatim preko okna za monitoring ispuštaju u rijeku Zujevinu.
 - 3.5. Korisnik objekta je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva, vršiti redovna ispitivanja kvaliteta otpadnih voda, uzimanjem uzorka efluenta iz okna za monitoring u skladu sa Uredbom o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20, 96/20). Učestalost i način ispitivanja vršiti u skladu sa članom 20. Uredbe o uslovima ispuštanja otpadnih voda u okoliš i sisteme javne kanalizacije. Rezultate analiza dostaviti ovoj Agenciji.
- Izvjestaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati

- referentne odnosno ovlaštene laboratorije za ispitivanje voda, sadržaj i način davanja ovlasti («Službene novine Federacije BiH», broj 14/10, 14/3, 26/14, 15/17, 23/17 i 41/20).
- 3.6. Da se poduzmu sve potrebne mjere kojima bi se obezbijedilo da prečišćene otpadne vode, prije ispuštanja u recipijent, zadovolje granične vrijednosti emisije definisane članom 14. Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20, 96/20).
- 3.7. Korisnik poslovnog objekta je obavezan da izgrađene objekte, a čija svrha je odvođenje i prečišćavanje onečišćenih voda, redovno održava i koristi na način koji će obezbijediti njihovu potpunu ispravnost i funkcionalnost, kako bi se zadovoljio propisani kvalitet efluenta.
- 3.8. Prikupljanje, odvoz i konačno zbrinjavanje opasnog otpada sa lokacije predmetne benzinske stanice sa pratećim sadržajima može vršiti isključivo firma ovlaštena za tu vrstu djelatnosti, prema sklopljenom ugovoru.
- 3.9. Korisnik je obavezan da redovno vodi dnevnik o pražnjenju i odvozu sadržaja separatora ulja i masti, izdvojenim naftnim derivatima i talogu iz taložnika i separatora ulja i masti.
- 3.10. Osigurati priručna sredstva za brzu intervenciju u slučaju nekontrolisanog istjecanja nafte i naftnih derivata, kako bi se spriječilo moguće onečišćenje voda i tla (materijal za upijanje: piljevina, prikladni adsorbensi, odgovarajuće posude, uređaji za pretakanje i sl.).
- 3.11. Sadržaj (mulj) iz uređaja za prečišćavanje otpadnih voda i opasni otpad ne smije se odlagati na česticu «vodno dobro», odnosno u vodotoke i na njegove obale.
4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11, 88/12 i 03/16), Prilog 1. Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
5. U periodu važenja ove vodne dozvole, pravno lice, odnosno korisnik objekta „BUCOMERC“ d.o.o. Kiseljak, je dužan provoditi sve mjere i aktivnosti propisane istom.
6. Ukoliko radom predmetnog objekta dođe do promjene režima površinskih ili podzemnih voda, a te promjene prouzrokuju štete ma kakvog karaktera, korisnik vodne dozvole je obavezan uzroke štete otkloniti, a nastalu štetu nadoknaditi.
7. Prava stečena po ovoj vodnoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
8. Ova vodna dozvola, shodno članu 117. stav (1) i 129. Zakona o vodama se daje sa rokom važenja od 5 (pet) godina, od dana pravosnažnosti ovog rješenja.
9. Prije isteka važnosti ove vodne dozvole, Investitor, odnosno korisnik objekta je dužan da podnese zahtjev za izdavanje nove vodne dozvole.

Obrazloženje

Pravno lice „BUCOMERC“ d.o.o. Kiseljak se pismenim putem obratio ovoj Agenciji sa zahtjevom za donošenje rješenja o vodnoj dozvoli za ispuštanje oborinskih onečišćenih voda i tehnoloških otpadnih voda u prirodni recipijent sa lokacije benzinske stanice sa samouslužnom autopraonicom „BUCOMERC“ d.o.o. Kiseljak-Poslovna jedinica Zovik, izgrađene na zemljištu označenom k.č. broj: 381/3 K.O Zovik, općina Hadžići.

U provedenom postupku dostavljena je i pregledana slijedeća dokumentacija:

- Ovjerena kopija aktuelnog izvoda iz sudskog registra, kod subjekta upisa «BUCOMERC» d.o.o. Kiseljak, broj: 051- 0-RegZ-22-000177 od 15.02.2022. godine;

- Ovjerena kopija uvjerenja o poreznoj registraciji za «BUCOMERC» d.o.o. Kiseljak, od 17.02.2011. godine izdato od strane Porezne uprave – Kantonalni porezni ured Novi Travnik;
- Ovjerena kopija uvjerenja o registraciji/upisu u Jedinstveni registar obveznika indirektnih poreza za «BUCOMERC» d.o.o. Kiseljak, broj: 04/1-UPP/1-8796/07 od 05.10.2007. izdata od strane Uprave za indirektno – neizravno oporezivanje Banja Luka;
- Kopija rješenja o odobrenju za izgradnju benzinske pumpe, broj: 07-23-4-2251/2011 od 10.06.2011. godine izdatog od strane Službe za prostorno uređenje, urbanizam i građenje Općine Hadžići;
- Kopija Rješenja o odobrenju za upotrebu benzinske pumpe, broj: 07-23-4-1723/2010 od 21.07.2010 izdatog od strane Službe za prostorno uređenje, urbanizam i građenje Općine Hadžići;
- Kopija Rješenja o odobrenju za upotrebu samouslužne autopraone, broj: 07-23-4-1238/2016 od 06.05.2016 izdatog od strane Službe za prostorno uređenje, urbanizam i građenje Općine Hadžići;
- Kopija rješenja o vodnoj dozvoli izdatog od strane Ministarstva privrede Kantona Sarajevo, broj: 07-06-25-13-25-12908/12 dana 27.12.2012. godine
- Kopija rješenja o vodnoj dozvoli izdatog od strane «Agencije za vodno područje rijeke Save» Sarajevo, broj: UP-I/25-3-40-151-6/17 dana 19.04.2017. godine;
- Kopija rješenja o okolinskoj dozvoli donesenog od strane Ministarstva prostornog uređenja i zaštite okoliša Sarajevskog kantona broj: 05-23-4467/13 III od 10.06.2013. godine;
- Izvještaj o monitoringu kvaliteta i kvantiteta otpadnih voda benzinske pumpe „BUCOMERC“ d.o.o. Kiseljak, P.J. Kiseljak, septembar 2021. godine;
- Glavni projekat – vanjske hidroinstalacije - benzinska stanica „BUCOMERC“ sa pratećim objektima, općina Hadžići, urađen od strane „IBIS“ d.o.o. Zavidovići, juni 2010. godine;
- Idejni projekat – izgradnja samouslužne autopraonice u sklopu postojeće benzinske stanice urađen od strane „ARHITEKT d.o.o. Zenica, juni 2015. godine;
- Dokaz o uplati upravne pristojbe na zahtjev.

Nakon pregleda dostavljene dokumentacije, u skladu sa odredbama člana 12. stav (5) i (6) Pravilnika o sadržaju, obliku, uvjetima, načinu izdavanja i čuvanja vodnih akata («Službene novine Federacije BiH», br. 31/15, 55/19, 41/20) izvršen je obilazak predmetne lokacije i tom prilikom je sačinjen zapisnik o uviđaju broj: UP-1/21-3-40-168-2/22 od 13.04.2022. godine i konstatovano slijedeće:

Objekat benzinske stanice „BUCOMERC“ se nalazi u ulici Zovik b.b, općina Hadžići sa desne strane Magistralnog puta Mostar - Sarajevo, na zemljištu označenom kao k.č. broj 381/3 K.O. Zovik, općina Hadžići, Sarajevo.

Na predmetnom lokalitetu nalazi se benzinska stanica „BUCOMERC“ – P.J. Zovik sa poslovnom zgradom i sa slijedećim sadržajima: kancelarijski prostor, prodavnica sa naplatom goriva, toaleti, automati za istakanje goriva sa nadstrešnicom, dvoplašni rezervoari za smještaj nafte i naftnih derivata, tipski separator nafte i naftnih derivata, samouslužna autopraonica sa tri boksa, manipulativne površine i parking prostor. Skladištenje nafte i naftnih derivata se vrši u čeličnim dvoplašnim podzemnim rezervoarima ukupne zapremine 160 m³.

Otpadne vode koje se javljaju na predmetnom lokalitetu su oborinske vode i vode od pranja saobraćajnih, manipulativnih i parking površina, kao i tehnološke otpadne vode iz autopraonice motornih vozila. Prikupljanje otpadnih voda se vrši putem slivnika sa slivnom rešetkom i kanalizacionim cijevima vodi do separatora ulja i naftnih derivata, ovako prečišćene vode se ispuštaju u rijeku Zujevinu.

Na osnovu dostavljene dokumentacije i uviđaja izvršenog na predmetnoj lokaciji, a u svrhu smanjenja negativnih uticaja predmetnog objekta na stanje voda i vodni režim, podnosiocu zahtjeva su ovom vodnom dozvolom u tački 3. dispozitiva Rješenja propisani uslovi u skladu sa odredbama članova 53. i 116. Zakona o vodama, člana 12. i 13. Pravilnika o sadržaju, obliku, uvjetima načinu izdavanja i čuvanja vodnih

akata i odredbama člana 3. tačka s) i cc) Uredbe o uslovima ispuštanja otpadnih voda u okoliš i sisteme javne kanalizacije.

Tačkom 4. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada i Odlukom o visini posebnih vodnih naknada („Službene novine Federacije BiH“, broj 46/07).

Na osnovu provedenog postupka konstatuje se da je podnosilac zahtjeva ispunio minimum uslova za izdavanje vodne dozvole za ispuštanje oborinskih onečišćenih voda i tehnoloških otpadnih voda, te je riješeno kao u dispozitivu ovog Rješenja.

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Voditelj postupka: Meho Čaušević, Bsc.ing.grad.

Prilog:

- Glavni projekat – vanjske hidroinstalacije - benzinska stanica „BUCOMERC“ sa pratećim objektima, općina Hadžići, urađen od strane „IBIS“ d.o.o. Zavidovići, juni 2010. godine;
- Idejni projekat – izgradnja samouslužne autopraonice u sklopu postojeće benzinske stanice urađen od strane „ARHITEKT d.o.o. Zenica, juni 2015. godine;

Po ovlaštenju
Rukovodilac sektora za izdavanje vodnih akata

Haris Ališehović, dipl.ing.grad.

Dostaviti:

- „BUCOMERC“ d.o.o. Kiseljak, ul. Brestovsko bb, 71255 Kiseljak (Prilog)
- Ⓒ AVP Sava, ISV – Vodna knjiga
- Sektor 50
- Sektor 40, arhiva
- Oglasna ploča AVP Sava